

لمسة حنان من ريش جناحها

جارح يا سيف الخجل...!!

يا غنوتين مالهومش تالت..  
ليه العيار حيران وفالت  
وأنا كنت أول قطفه فى المواعيد..  
وكنت تالت سطر فى الأوراد  
والفرح هربان مننا وشاتت

.....

معقولة نغرس نخلتين.. أناشيد  
ونعيد غناوى الفجر ف الحواديت  
والبيت بيصرخ من هجرة الكتاكيت  
والديك بيدن والضمير ساكت

.....

إياك تروح له فى المواسم صيف  
وتزغل العناقيد على الشبايبك  
وتعدى بكره من أول امبارح..  
جارح يا سيف الخجل جارح  
والليل بيتدبى على ظروف الصوابع  
وبيكره الخادع.. وبيكره التابع  
وبيكسب الجولة من أول الجوله

على نطقة الله اكبر  
فينا الأمل يكبر..  
والخوف بيتراجع..  
من غير موانع طالعين بنتهجي الرجا  
وبنكره الوضع الغبا  
وندندن الحياة دندنه..  
ونقول بصوت حيانى..  
حبا حبا حبا

.....

سهله الحياة من غير رهان  
صعب اللقا من غير ميعاد  
بين اللقا وبين الرهان..  
واقفين أنا وانتى حيا

.....

على شعره من ديل ا...